

# سيد أبو حفيظة يعلق علي الانقلاب عبر تويتر



الجمعة 7 فبراير 2014 12:02 م

نافذة مصر

لو كنت نزلت ضد مرسي عشان النور يقطع .. احب اقولك ان النور لسة يقطع بس الجزمه اللي بقك واسعه شويه ومش عارف تنطق منها !

ولو كنت نزلت ضد مرسي عشان ازمة المرور .. احب اقولك ان المشوار اللي كنت بتاخده فى عشر دقائق بتاخده فى ساعه ونص عشان الجيش قافل نص الشوارع

ولو كنت نزلت ضد مرسي والدوله الدينية الفاشية .. فاحنا استبدلنا الفاشية الدينية باخرى عسكرية اشد سطوه وبطش

ولو كنت نزلت ضد مرسي عشان الحرية .. فأديك شايف بنفسك الناس ماشيه فى الشارع تكاد تبكى من فرط الحريه اللي هما شايفينها

ولو كنت نزلت ضد مرسي عشان تجريم الاختلاف واحتكار السلطة .. احب اقولك ان دلوقتي بقوا يقتلوا ويسجنوا أى حد يعترض

ولو كنت نزلت ضد مرسي عشان مصر بتشتت من قطر .. فاحب اقولك اننا بقينا نشحت من طوب الارض

ولو كنت نزلت ضد مرسي عشان سد النهضة .. فاحب اقولك ان السد ده طلع من مشروعات مصر القومية وإننا هنكسب منه اكر من اثيوبيا ذات نفسها

ولو كنت نزلت ضد مرسي عشان عيب .. أحب أقولك إن الدوله والنظام الحالى إعتقل طالب عشان كان معاه مسطره مرسوم عليها شعار رابعه

ولو كنت نزلت ضد مرسي عشان تهميش دور الشباب .. فأحب اقولك إن السيسى كتر الف خيره بيحافظ على شباب الثوره فى المعتقلات ولو كنت نزلت ضد مرسي عشان مجابش حق الشهداء فأحب أقولك إن النهارده صدر حكم بإلغاء الاحكام الصادر على المتهمين فى قضيته بور سعيد

ولو كنت نزلت ترفض ممارسات الدخلية والاجهزة الامنية .. فدول بقى اللي بيحكمونا دلوقتي

اما بقى لو كنت نزلت ضد مرسي عشان شكله مش عاجبك .. فدي بقى مقدرش الومك فيها .. اصل بصراحة السيسى وسيم وانا شخصيا اذوب فيه عشقا